



KEBULURAN SUDAN MAKIN KRITIKAL: ISLAMIC RELIEF DESAK TINDAKAN SEGERA PEMIMPIN DUNIA

Islamic Relief menggesa tindakan segera diambil berikutan laporan terbaru Klasifikasi Fasa Keselamatan Makanan Bersepadu (IPC) menunjukkan, kebuluran kini merebak ke dua lagi kawasan di Darfur Utara, sementara tahap kekurangan zat makanan di Kordofan semakin kritikal.

Sehingga kini, penduduk di kedua-dua wilayah terus diserang, dibiarkan kelaparan dan dipaksa meninggalkan tanah mereka.

Ratusan ribu nyawa kini berada pada risiko kematian akibat kebuluran, menggambarkan kegagalan dunia dalam menghentikan perang dan melindungi orang awam daripada krisis kemanusiaan yang amat membimbangkan.

Di Um Baru di Darfur Utara, IPC mendapati 52.9% kanak-kanak berusia antara 6 hingga 59 bulan mengalami kekurangan zat makanan akut, iaitu lebih dua kali ganda daripada ambang kebuluran.

Setiap hari yang berlalu meningkatkan ancaman kepada nyawa ramai orang, terutamanya kanak-kanak.

Islamic Relief juga memuji keberanian sukarelawan tempatan yang mengendalikan dapur komuniti untuk menyediakan makanan di kawasan-kawasan yang disekat daripada menerima bantuan antarabangsa.

Namun, usaha ini berada pada risiko tinggi untuk terhenti dan amat memerlukan sokongan tambahan daripada dunia antarabangsa.

Justeru, Islamic Relief mendesak para pemimpin dunia untuk menekan pihak-pihak yang bertelagah untuk bersetuju melaksanakan gencatan senjata kemanusiaan dan memastikan bantuan dapat disalurkan kepada semua yang memerlukannya.

-TAMAT-

Mengenai Islamic Relief

Islamic Relief merupakan sebuah organisasi kemanusiaan antarabangsa yang ditubuhkan pada tahun 1984 sebagai tindak balas terhadap isu kebuluran di Afrika Timur. Ibu pejabat Islamic Relief terletak di Birmingham, United Kingdom. Islamic Relief beroperasi di lebih 40 buah negara dan telah membantu ratusan juta orang. Kini, Islamic Relief Worldwide merupakan antara salah satu badan amal dan pembangunan terbesar di dunia.

Mengenai Islamic Relief Malaysia

Islamic Relief Malaysia mula beroperasi pada 2004, bertujuan untuk meneruskan bantuan kemanusiaan Islamic Relief di Rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperoleh di www.islamic-relief.org.my atau menghubungi talian +603-8926 3434.